

人物志下

孝子

求忠臣必於孝子之門蓋孝乃作忠之基爲仁之本也禮曰居處不莊非孝事君不忠非孝莅官不敬非孝朋友不信戰陣無勇皆非孝人苟能爲孝子則無五者之失况懼辱親者一舉足一出言而不敢忘父母何至有言之不仁哉大孝尊親正安固無其人而中孝小孝亦足立子道之準志其名所以維風化也

續修正安州志

卷之八 孝子

一

孝子

明 鄭 宣州庠生父紹雍病篤宣刲股和藥以進病遂愈父沒結廬墓側孝感一州

李榮祿州人父茂春母楊氏病榮祿刲股救之榮祿病妻王氏割股王氏病子應庚割股雖因孝以傷身而母子夫妻一門孝順亦難得也

國朝

張顯德州人父應遷康熙間歲貢年逾六十始生顯德髫齡失怙母撫以成事存事亡以

孝聞於鄉里壯歲建修宗祠廣置祭產歲
饑則減糶以賑隣族時疫則製藥以拯貧
窮好善樂施允堪勵俗前州牧莊肇奎旌
以額曰一鄉善士

蘇應喜年十八母劉氏道光五年城內東街火
延及西街民居殆盡時喜在書院攻書聞
報奔回衣物不問惟尋母耗不得既而聞
火中哭聲喜知是母急入救□以火猛入
必死挽之喜哭曰天下豈有無母之子哉

續修正安州志

卷之八

孝子

二

奮身入救死之後灰燼中見喜覆母母通
身焦黑惟喜面如生云

胡智德幼貧好學力耕養母母病衣不解帶兄
弟各遺孤次兄乏嗣惟寡嫂存一門孝順
家以豐母八十卒德雖白手創業而急人
之急戴德者多壽九十三

楊永茂德里土坪場人應徵之子同治元年髮
匪陷場父被執茂聞往救父給賊曰家實無銀
惟有借貸但必須父往方可借得盍釋父令□

贖我賊果拘茂舍徵越日茂潛逃父子俱免於難

武生韋占春江里楠木坎人少積學未成始習弓馬事親孝父病年餘生侍湯藥衣不解帶久之病劇焚香夜禱欲刲股救之方袒臂如有叱其旁者驚而止將曙隱几夢人謂曰汝父病不死何傷生爲數日果愈及父母歿擗踴哀泣幾不欲生里黨稱爲孝子

周宗僕卽訓導周南之父也少失恃事父以孝

續修正安州志

卷之八 孝子

三

著與兄宗佑伯仲友愛不啻孩提終身如一日
邑明經徐亮采贈以額曰怡如盖紀實也幼積學精岐黃每天中節輒和丸濟人全活甚眾又輯經驗良方千餘條至今人皆寶之庸德之行勝竒節也思州府教授張國棟爲撰墓銘載藝文志

朱世杰思七甲民父早喪母孀居民弱齡時母病危藥無效民禱于神刲股和丸以進母尋起年七十餘歿居喪哀戚幾不欲生值亂遇賊危

而復安者屢也人以爲孝思之報

陳家聲住州治西街家貧性孝少時其父貿易
廣西卒於逆旅久無音耗民孤身往尋得父骨
歸葬現年七十餘

牟陞祥住小八甲牟家坪妻鄒氏性皆孝順父
名廣澤母 氏俱存夫婦嘗恐親有未安冬溫
夏清昏定晨省終身不懈衾裯衣服必五日一
浣菽水甘旨必親手烹調或兄嫂口角則跪而
解之門庭和睦內外無間言父母俱壽享八十

續修正安州志

卷之八 孝子

四

餘沒居喪盡禮鄉里賢之

姚世培道光丁未歲貢性孝友事父母竭其力
居親喪寢苦枕塊涕泣三年未嘗讌會生平爲
人謹厚非公事不入公門設教於家四方來學
不問脩金有無循循善誘出門牆者十餘人年
八十一終

姚廷兆邑文生弱齡時母張氏病危醫藥罔效
生割股和丸以進病遂愈遊泮後習岐黃術以
醫起家人以爲孝思之報今年七十餘也

冉贊元邑文生住思里傅家營性仁厚家不豐
事親能竭力奉養繼母極孝生出外教學妻楊
氏事翁姑致敬盡禮夫婦俱登上壽子中立恩
貢生洪榜邑文生孫炳堂邑文生行孝者宜有
後也

朱代銀江七甲民務農業事親孝咸豐七年父
世洪病篤民刲股和藥因人竊窺無效同治三
年母冉氏疾危不起又刲股救母疾遂全愈母
年六十二强健如初銀年三十餘猶依依如孺

續修正安州志

卷之八 孝子

五

子

李長春水車場客長少失怙事母孝出入不敢
□限甘旨必親奉承母年八十五偶染疾久不
愈夜割股啖之母遂起雖傷生之事君子所不
取而愛敬肫誠有出於不自己者錄之以見仁
人孝子自有真也

節孝

國風二南多美閨門之詩正以見聖女太姒宮□
雅化上行下效也我

朝代有

聖后正安邊隅小邑節孝賢婦不乏其人無異江漢
汝墳聞風興起此志所當詳也

明袁端妻張氏州人夫卒時年二十七子志偉

三歲父母逼其改嫁斷髮自誓守節七十
餘歲而終

鄭紹勳妻羅氏州人紹勳州士官卒時命氏改
嫁氏悲慟欲自縊家人嚴守之不得間守
節至六十餘平居雖親黨童僕未嘗得見

續修正安州志

卷之八 節孝

六

其面

國朝張黃氏州德九甲人康熙三十四年州牧胡世
藻詳請

題旌坊建州城內南街乾隆四十五年燬事實無
考

曹仁聘妻王氏州人王咸宜女名正姑許字
曹氏子仁未婚仁歿正姑守志不改適雍
正三年四川巡撫蔡珽以奇節題旌

貞女張秀姑州德九甲人康熙三十四年州牧

胡世藻詳請

題旌建坊州署外左街乾隆五十四年燬事實無考

張黃氏州人乾隆十一年州牧何潤詳請

題旌事實無考

童氏乾隆十一年州牧何潤詳請

題旌事實無考

烈婦陳童氏乾隆二十三年州牧謝之燧詳請

題旌事實無考

續修正安州志

卷之八

節孝

七

烈婦羅康氏乾隆三十六年州牧王讌詳稱羅

康氏在州九硎渡溪舡戶鄭宗祐強姦不

從致遭勒斃棄河該氏年甫十五守貞不

污節烈可嘉經貴州巡撫覺羅圖

題旌建坊

翁趙氏州人年二十一適儒童翁廷舉二十七

歲廷舉歿氏上事翁姑下撫幼子婦兼子

職母作嚴師至乾隆壬子科子鳴岡舉於

鄉今氏壽屆八旬前遵義劉守旌以額曰

貞壽母儀

江劉氏州人江啟祥妻適江未及五載無子啟祥病劇囑氏再醮氏指誓天日願守苦節夫亡坐卧一室紡績貲生歷受饑寒矢志不貳前署州牧文如筠表其門曰冰雪爲心道光十三年

題旌建坊

冉姚氏州人前任南籠府教授姚儻之妹適儒士冉鴻教結縭六載鴻教病歿遺孤寶鑑

續修正安州志

卷之八 節孝

八

年僅三齡族人覬覦家產逼奪其志氏以死守繼因疊膺外侮攜子避居母家晝莢茹荼教子成立迨寶鑑弱冠遊庠歸復舊業外患潛消而寶鑑又中年不祿氏撫遺孫廷瑚廷連等相繼入膠庠享壽八十有六前州牧李喬林旌以額曰節孝可風李陳氏州人李世林之妻中年夫死撫守遺孤教子祥拔入州庠年登上壽前州牧楊皋亮贈以額曰秩榮古稀

申光祥妻韓氏年二十五夫亡病時謂曰我病且死爾又無出其改適氏曰君病當愈無妄言萬一死翁姑尙存叔又小誰當養者誓不出申家門也夫亡後翁姑憐其少諭以再醮親鄰亦再三勸氏不稍動家故貧翁常小販出姑病不仁動履惟婦持家事無大小皆身任之夫弟三人漸次成立經紀婚娶翁姑不勞甚于子在時姑歿翁娶繼姑氏養如一婦兼子道嫂任兄職一庭

續修正安州志

卷之八

節孝

九

和睦四世同爨鄉人競稱之道光十八年

題旌

張應柏妻黃氏年二十二夫死以兄子爲嗣事

翁姑甚得歡心姑病禱于神方割股忽暈仆見一神撫其背曰速歸姑將逝矣旋寤急走扶姑死于手年七十餘卒乾隆十一年

題旌

李德泰妻徐氏生有至性知書識大義適德泰

三年夫歿家故貧子方周月氏不憚饑寒
辛勤撫字訓課典籍有若嚴師子年少遊
庠道光十八年

題旌

張世禮妻鄭氏年二十五夫亡翁七十餘繼姑
五十餘皆多病且有弱叔小姑嬰孩待哺
氏獨力經營事事週至撫二子繼良鵬翎
並成廩生道光十八年

題旌

續修正安州志

卷之八

節孝

十

溫理妻謝氏年二十夫死遺孤甫一歲翁姑病
且老兩弟皆幼家極貧氏事事躬親心力
俱瘁翁姑並登上壽喪葬盡禮撫教子姪
有餼于庠者年七十五歲卒

溫繼志妻劉氏結縈五載夫遂亡僅存一孤矢
志守節紡績奉親義方訓子守志三十三
年年五十七卒道光十七年

題旌

鄭先喬妻婁氏于歸三載年二十三夫亡矢志

守節菽水奉翁姑義方訓孤子勁節彌彰
年七十卒道光十六年

題旌

鄒慶源妻陳氏二十二歲夫亡遺孤襁褓事翁
姑訓孤子辛苦半生劬勞卅載節比冰霜
心同皎日孝思罔懈皓首全貞誠坤維之
正氣洵巾幗之完人卒年五十有六道光
二十七年

題旌

續修正安州志

卷之八 節孝

十一

王育芝妻聶氏年十七于歸克全婦道夫亡矢
志守節教養子女今七十餘

董 妻張氏洪均之母事夫稱賢義方教子
夫病不仁割股救夫年二十四夫亡守比
冰霜操同皎日壽七十五歲終

嚴大鑑妻鄭氏年十八歸夫家一歷寒暑夫赴
童試死於湘城生遺腹子嚴景燦守柏舟
操送子苦讀弱冠入邑庠氏自夫死生平
未啟顏一笑年八十終

嚴 妻宗漢之母趙氏年二十五夫亡矢志
守節里中無賴子謂之淨酒言不敢嘗也
上事孀姑下撫孤子白首創業以壽終節
孝兩全坤維無愧

從九嚴中和妻韓氏邑文生宗六之母府學文
生嚴師孔之祖母也賦性堅貞喜讀書明大義
年二十歸嚴三十而寡事翁姑稱孝教孤子若
師咸豐四年桐逆侵州境命子捐貲募練打賊
帶團從征竭貲不惜前署州胡祖寅表其閭曰

壽貞節孝六十三歲終州牧彭焯撰有墓銘載
藝文志

周世龍妻陳氏年二十于歸四載夫亡遺孤伯
潤窮子無依氏上事翁姑下撫弱媳苦節三十
六年

孟榮華妻黃氏住江里新州場六品頂戴孟易
周之母也年二十喪夫上事孀姑下撫孤子備
歷艱難今已七十餘歲精神尙健

陳甘露妻宋氏住州城東街二十三歲于歸二

十七歲夫沒奉事孀姑曲盡婦道同治四年城陷扶姑避賊備歷艱難賊退家養姑終老生事死哀人不能及苦節二十年四十七歲終

胡英才妻謝氏住德九甲市坪場二十歲歸夫三十歲守寡上事翁姑下撫孤子艱苦備嘗卒成夫志守節十九年四十九歲歿

胡升羸繼妻姚氏貢生姚世培之女也住思六甲換金壩十九歲于歸二十三歲夫沒無出撫前子如己已出守節三十三年現存今見孫也

張長興妻馮氏年十八夫沒氏內撫孤兒外禦強暴守節五十八歲年七十有五而沒最可異者同治三年號匪燬其宅前州牧索公所給節操並茂匾額獨存

楊天坎妻姚氏庠生茂才媳庠生遠煜女貢生世培庠生世增妹年二十五夫歿越六月生遺腹子兆禾守節四十三年七十二歲終

馮國庠妻艾氏少寡守節四十七年七十八終王席珍妻張氏年十九夫歿撫子子沒撫孫又

撫曾孫成立見元孫守節七十三年壽九十二
沒

王登徽妻劉氏年二十餘夫負債遠出死氏撫
三子一女織紵組紉備歷艱苦守節四十一年
壽七十一沒

蹇受愷妻張氏二十五歲夫沒無子撫二女出
閣鄰里羨服守節三十三年現年六十

周宗倓之妻任氏住西城學後街年十六歸周
十九歲夫歿氏未嫁事瞽父極恭謹出嫁事癰

續修正安州志

卷之八 節孝

十四

姑無懈心生一女兄嫂皆以無子爲慮氏撫姪
如子矢志守節孀居三十年心如金石現年四
十九同治十三年請

旌在案

譙月鎮妻馮氏年二十四夫歿遺孤現鰲氏勵
志守孤玉潔冰清遐邇敬服年七十五終該地
紳耆欲爲請

旌以時艱未果

六品軍功胡先緒繼妻余氏咸豐六年梁逆叛

先緒剿賊陣亡氏年二十五無出撫嫡遺孤子
升榮甫數齡有勸再醮者氏泣曰夫既爲國捐
軀兒將誰託自是堅貞自守足不下堂性至孝
孀姑病數年氏侍湯藥無懈今守志二十年也
節孝兼全晚節可卜其無異

叢 妻張氏年二十六歲夫死守節現年八
十餘歲

徐德泰妻傅氏年二十二而寡生遺腹子徐皋
氏事親至孝教子有方守節三十五年阨窮愈

甚貞烈彌堅里人高之

趙方剛妻李氏年二十五喪夫矢志守節撫孤
元孝現年七十歲

張祖德妻姚氏年二十六孀居堅貞矢志七十
三歲終

張行寬妻冉氏年二十四夫亡守節性慈孝邑
侯贈以額曰貞德可風

張天衢妻冉氏年二十二夫歿守節六十六年
壽八十八歲

貞女田細英婺邑武生田太源之女少字正邑
文生王緒年十八于歸有日緒赴秋闈歸途病
卒女聞訃奔喪王門矢死靡他已兩載有餘胞
兄田宗燕憐其少給令歸甯欲別字之女泣訴
婺宰孫公求全已志宰曰汝志良佳如晚節何
女翦髮自誓宰察其情真批令繼姪守節飭伊
兄毋奪其志今十年也孝事翁姑持家勤儉冰
霜之氣見者憚之光緒二年 題旌

監生曾慕孝妻曹氏德里安順場人年十六歸

慕孝二十二歲夫死氏節堅松柏歷久不渝現
年四十五歲

鄒箕恒妻曹氏年二十五夫故上事孀姑下撫
孤子誓無他志不幸孤亦死氏自傷命薄操守
愈堅現年五十四歲

李貴瑞妻徐氏年二十喪夫生遺腹子氏撫子
守節家貧茹苦爲子娶聶氏生二孫子又死姑
媳相依境彌困節彌堅見者墮淚

黃宗智妻趙氏年二十四孀居撫孤昇平現年

五十斷暈茹素備極艱辛鄉里憐之

李睿昌妻朱氏少寡撫孤守節夫歿時惟叔翁

貴謚在氏事叔如父守節三十九年

廩生曾慕顏妻江氏庠生希孔之母年二十二

夫卒氏養親撫孤年四十八歿

王明氏綏邑文生王承槐之母年二十夫歿撫

孤守志現年六十歲

廩生張彥廷妻冉氏住小里車村少寡矢志撫

孤家貧如洗操凜柏舟心清冰雪教子張凱成

續修正安州志

卷之八 節孝

十七

名子又死氏志益堅洵巾幗完人

廩生張登蟾妻鄭氏文生廷琛之母也住小里

湄江少寡孝養翁姑教子成名以壽終孫濟忠

癸酉科副榜

俊秀楊毓華妻任氏邑庠生楊綱之母也二十

六守寡冰霜矢志勤儉持家事孀姑盡孝教孤

子有方三十一年之節操無瑕五十七歲之勤

劬堪憫洵苦節也

儒童程庚祿妻官氏住城南街年十八歸程二

十四歲夫死二子俱幼上事孀姑下撫孤兒年四十八終

韓孔儒妻何氏住德里九甲年十八歸韓三載喪夫生遺腹子韓永榜姑已沒惟翁存氏茹檠含冰上事衰親下撫孤子白手創業長孫鼎己巳科武舉次孫晉繼入武學皆苦節之報

王金蘭妻楊氏德九甲人年二十六喪夫事姑撫子節孝堪嘉曾元繞膝五世同堂年七十餘終

袁陞基妻田氏婺川田慶祥之女都司銜袁步雲之母文生袁融之祖母也年十八適州屬思里韓家溝袁陞基二十一歲寡生遺腹子袁步雲矢志冰霜持身勤儉事翁姑孝撫孤子慈苦節三十年壽五十沒

梁興邦妻馬氏年二十四夫歿矢截鼻志以撫孤兒現年五十有一

趙芳衢妻鄭氏卽增生趙元珪之母也住德六甲刀塘壩少寡性貞靜勤儉持家義方訓子五

世同堂年八十五沒

向永春妻韓氏幼讀書及笄歸向嘗以翁姑早沒不得奉養爲恨年二十二夫病篤氏刲股救之不瘳哀慟擗踊幾以身殉念子幼無依強畱薄命撫孤成立暇與女伴坐談所言皆內則閨範諸姑妯娌咸奉爲師

李天縉妻羅氏卽州判治華之母也住居鐵窰年二十八夫沒氏事翁姑至孝教孤子成名年七十餘終

李治族妻曾氏住小里鐵窰二十六歲喪夫事姑孝姑病劇割股和藥以進病尋愈及姑沒茹素三年常施粟救荒現年八十精神猶健

李德瑤妻鄭氏住鐵窰年二十七夫陣亡無子生一女有勸再醮者以夫殉難不忍負義泣謝之今四十五歲冰雪之心令人生敬

王重維妻馮氏優貢生馮綦之女歲貢生王尙志之媳也賦性孝慈夙嫻閨訓年及笄歸王生二子二十六歲夫沒氏矢志堅貞事翁姑撫幼

子持家嚴謹不苟笑言五世同堂年九十四無疾而終

王家模妻孫氏卽節婦王馮氏之次媳也適王時年甫八二十一歲夫亡卽守柏舟節撫遺腹子聲述教讀從師備極艱辛聲述不忍母苦因而廢讀其孫承京曾孫傑偉等俱邑廩生人以爲節孝之報年五十五歲以壽終

吏員楊裕材妻鄭氏文生鄭華黼之女文生楊澍千總昌才之母也淑慎幽閒年十八歸楊事

翁姑孝事兄嫂敬兄有難氏貫奩救之無怨言年二十九夫病刲股以救卒不起遺男女五人並姪及姪女數人均教讀婚嫁備歷艱辛守節三十年現年六十一歲

貞女楊昭姑原雷金榜之女三歲失怙恃貧窘無依經庠生楊澍之祖母曾氏憐而撫之勤慎忠順楊澍之母鄭氏因收作義女欲爲擇壻昭姑自傷命舛願奉母終身誓不嫁同治四年州城陷鄭氏弱子女復幼昭姑保護出逃日無食

則傭工奉母以及諸弟妹其志亦良苦也現年五十九歲

何文佐妻鄭氏適何二載夫故翁姑亦相繼沒時羣季尙幼尋乳裸抱撫育成入完婚教讀置產修廬家漸以裕繼四弟子學麟以養老現年六十三歲猶朝夕訓誨弟姪不懈

李滿姑李祖盛女幼字周鳳芳之次子周東東數歲時卽被賊擄去十餘載無耗有勸其別字者姑遂奔至周家願守節待夫光緒元年二月於州主彭公處存案誓不改節彭公深嘉之姑居家儉素言笑不苟晚節可卜其無他

孝婦

貢生陳智策妻韋氏住水車場秉性堅貞素行孝順同治二年號匪劫場舉家驚逃氏扶衰老翁姑而行見賊輒跪哀求勿傷父母逆首憐其孝遣人送出以深閨弱質於賊寇戎馬中脫親難全己節亦見孝德之可化凶殘也

韋僑如妻李氏性誠篤嘗侍姑疾十有四月醫

藥罔效中夜泣禱神前割股和藥以進姑病尋愈江右進士艾暢爲之立傳載藝文

嚴宗珣妻余氏住思七甲楊柳壩翁早歿姑性暴家貧夫又沒氏耕耘如男子積貲市甘旨養姑稍不如意姑虐遇之無怨意怡色和顏常變如一漸饒裕送子讀書鄰里咸稱其孝

張天中妻冉氏住小里湄江翁病割股救親己無出爲夫娶妾二妾又無自夫沒繼姪承祧年七十六終

賢婦

鄭世山妻吳氏幼字世山及十六歲時世山跌仆斷脊成廢人翁姑父母俱願悔婚氏以女無二夫辭竟歸鄭生一子終身敬戒年八十終牟文仲妻張氏住小八甲牟家坪年十五于歸三十無出卽爲夫娶妾祝氏生三子而祝沒夫又亡張遭伯叔欺凌備嘗辛苦撫孤成立以忠厚訓子嘗施穀救荒有貸於家者力難償卽焚券命三子牟應官督團剿賊陣亡眼見孫馴化

馴俱入邑武學壽八十七沒
監生張行涑住小里車村妻石氏最賢三十無
出復娶李氏卽文生天球之母貢生鑑增生銘
之祖母也李年及笄適張事石如母石待之若
妹李嘗以翁姑早沒不及奉養爲恨每食必薦
終身如一待姒娣若同胞訓子女以大義奴僕
至愚靡不率教鄰有貧者賑其饑寒真巾幗之
賢也年八十一故

王祥燦妻黃氏小里江村人黃永學之次女幼

續修正安州志

卷之八

賢婦

二三

字祥燦燦五歲失明及成人其翁王祖鑑以子
目瞽恐誤女示意於媒願退婚無悔媒告黃黃
以商女女曰人生有命悔之不祥兒惟安命而
已竟適王孝親敬夫克盡婦職家漸豐生三子
皆謹厚能承母志長孫世澤已遊泮也至今四
世同居門庭雍睦

楊毓起妻陳氏性渾樸心慈良夫亡子喪惟存
一姪楊綱氏待之不啻己出幼延師長授室旋
卽遊泮皆氏之勞現年七十五歲

從九張天楠續娶盛氏卽署印江教諭張善長之繼母也氏敬丈夫和妯娌適張時善長方三歲撫如己出延師授室皆一身任之不忍以家事累夫年六十餘沒

篤行

張應遷字喬菴康熙時貢生住小里湄江好善樂施濟荒講學不屑屑計利名本忠厚以存心將詩書而適性雅集堂兄歲貢生張應松堂姪恩貢生張懿德歲貢生張滿德詩酒唱和時人

續修正安州志

卷之八

篤行

二四

呼爲湄江四皓著有梧蔭山房詩集車村草文集子顯德以孝義傳至今孫曾列膠庠食廩膳者數十人署印江教諭張善長卽其曾孫副車張濟忠卽其元孫也

韓之顯字昭文生而穎異喜讀書行不少苟事親最孝爲程藝深得先型領乾隆癸酉鄉解三試禮部不售里教以終年六十五

張尊歲貢生居德溪里地僻無師年十五始就學卽慨然有化俗志積年研究於宋五子書

深有所得三十後設教以邑人學無根源徒襲
程藝以倖弋獲故講學必以性理爲宗從遊者
無論貧富皆不計束脩親鄰有貸不償亦不問
每歲終必聚鄉人教以孝弟力田同里近百家
五十餘年無訟尊之化也卒年八十一
韓品金字朝元 恩貢家貧八歲時其父外出
以新歲往賀族伯伯不禮歸告母張曰兒不讀
書終身不獲出人頭地母遂命往從師勵志苦
讀橐玉蜀黍粉水和之供朝暮食夜無燈常映

月誦讀達旦年十五六爲人傭闢荒袖書先往
眾傭後卽出書讀之至則藏卷耦耕眾息午勞
復取讀常約伴往涪州羊角磧白馬鎮等處負
鹽歸賣獲息以供母及弟妹朝夕需偷隙讀書
亦如傭時年二十九欲應童試往姊家借衣姊
以赤貧勸阻弗聽是年遂入學旋食廩餼藉館
膳終其身受業成弟子員者數十人卒年六十
九

馮兆謐德里六甲人少勤學二十遊庠二十五

食餼未三十卽設帳教讀出其門者凡六十餘人俱端方之士年八十二以貢生選鎮甯州儒學莅任三年士林悅服告老歸精神尙健好學如初時以奢侈戒子孫年九十二終子國銖國總邑庠孫思杰貢生曾孫正清綸庠生

呂世顯字燦德城南桃子壩人年十六入府庠性嚴毅方正里黨胥憚其丰采生平未嘗與人爭訟亦未身入公門習舉子業以家貧遂棄去乃設教授徒不計脩金多少無不畱心教誨遊

其門者皆教以制行立品不徒以文藝見長教讀數十載售試者數十人皆篤行士長子芳楷以拔貢授山東淄州縣事加同知銜孫熾沂州巡檢烜邑文生曾孫湘浦山東候補從九

呂維藩道光二十年己亥歲貢生州南桃子壩人早失怙恃性孝友事兄嫂若父母忠厚耿介樂助人急里有貧而負債者輒焚其券生平未嘗言人過見者無不敬畏少習舉子業不售卽棄去潛心理學設教授生徒先品行次文章出

其門者數十人大半皆篤行士晚見逆氛四起
卽築堊捍地方全活者千餘家年七十三終子
二玉音正音邑廩生孫啓鏞啟域俱廩生啟埏
中王戍

恩科舉人其餘孫曾業儒者甚眾州牧于鍾岳撰
有墓誌藝文

徐亮采州西城人道光己酉歲貢天性純篤世業
詩書好善樂施傳家忠孝以貢生候選訓導同
治四年朱逆陷城督團巷戰身受重傷罵賊不

續修正安州志

卷之八

篤行

二七

屈死巡撫部院曾 奏請卹典八年內閣奉

上諭優加國子監學錄銜 恩給雲騎尉三世襲次

完時給予 恩騎尉世襲罔替長子以清拔貢
加六品銜候選知縣現任龍里縣教諭

賈開煬前江南靖江縣知縣三禮之孫邑庠生獲
雉之父也幼失恃育於姊事繼母以孝聞樂善
好施秉性方正里中事得一語卽解開水源設
義塾興養立教地方賴之晚歲見號匪四起命
子修砮集團捐貲防堵罄家不惜年九十歿

宋謨郁住思里宋家寨挨婺界入婺武學性剛正
好善樂施尊賢敬士倡議修宗祠破產建文昌
宮鄰族仰其直有忿爭得一言而解存時四鄰
無訟妻陳氏貞靜無違夫婦俱壽享八十二歿
子連城太吉皆邑文生孫宋銘婺文生宋鉞邑
拔貢生

異能

達才連字君陶住州城南街夙儻負竒氣遇
事敢爲不少退阻公件繁劇處之裕如州牧于

續修正安州志

卷之八

異能

二八

鍾岳當戎馬倥偬時單車戾止甫見卽竒其才
舉軍旅必需之屬悉委任之剿螺螄平婺逆復
湄潭克壘山振旅二三年轉戰數百里軍糧練
餉未嘗稍匱于公贈之曰三千戰士無饑饉十
萬生靈賴主持盖實錄也又修聖宮重修書院
新修考棚兩修龍王廟軍需土木一身任之百
務集而功皆成亦異能士也

耆士

向志遠邑文生住江里上壩節介自持急公好義

邑紳曾薪傳字心吾達才連之甥也性慷慨有胆識凡義所在靡不欣然赴之咸豐初桐逆梁得泮婺匪吳大刀前後擾州境捐貲募勇禦之州牧于鍾岳素偉其才剿螺螄復湄潭平婺逆克壘山凡達公所措置者均與有力焉及後朱賊困城乃畫竒策固城守備勞心力因州牧楊言防稍疎城遂陷數年功苦一旦棄之殊爲可惜迹其生平裁機明決遇事敢爲亦軍務倉皇中不易得之才也惜乎恩怨太明竟遭不白以沒

續修正安州志

卷之八

又二十八

特誌之以勸來者

附錄孝婦胡馮氏

因採訪來遲
附載於此

邑紳胡先紹之妻馮氏候選訓導馮慶霞之女也素嫻閨訓之大義年十八歸胡孝翁姑和妯娌克盡婦道翁早逝事姑如母姑病醫藥罔效氏封股和藥以盡病良瘥後姑壽至七十七歲沒氏呼天搶地幾不欲生真孝婦也故附錄之

耆士

向志遠邑文生住江里上壩介節自持急公好義

年八十重遊泮水九十一而終

嚴景燦字學明邑文生住思七甲大塘性孝習禮儀博聞強記持身不稍苟年八十二歿

嚴景珮邑武生思七甲柏楊壩人平生不問家人事山樞自娛年八十二歿

李祥麟邑文生性渾厚不干外事不履公廷年七十八歿

王永瑚邑文生住州治西街妻何氏夫婦俱七十
六歿

續修正安州志

卷之八 耆士

二九

袁作泮從九職銜思里韓家溝人妻郭氏夫婦皆好善奉養父母得堂上歡孫曾五世同堂壽俱八十終

葉向榮邑文生現年八十六歲住德里深溪生平爲人厚重簡默安貧樂道幼聘黃氏爲室過門十餘載生子四卽歿時年三十餘守義不娶現今子孫林立五世同堂且鄉試十五科雖塲屋屢困而壯志猶存不特爲有志之士亦有道之士也

江毓騰從九職銜州治東街人天性孝友傳家口厚與兄毓蘭毓桂創修樂源橋並行一切善事卽竭數千金不惜早歲無子繼姪晚歲復生一子已抱孫也現年八十五

楊萬春候選縣丞住州治北街卽邑庠楊傑楊琨楊煊之父也素性渾厚現年七十六歲同治四年朱逆陷城與賊巷戰面帶重傷迄今形容俱改

旺光圖府學貢生住思里七甲性剛正年十八遊

續修正安州志

卷之八 耆士

三十

庠爲邑名士而困於場屋乃設帳授生徒出其門者類有實學年七十八重遊泮水至八十八歲無疾而終

韓永治邑武生住小里二甲秉性方正善教生徒出門下者凡數十人重遊泮水年八十七歲與妻楊氏先後七日內無疾終

耆民

鄭普江里火石壩人嘉慶丙子年一百五歲五世同堂詳請建百歲坊給與粟帛

李德元德里刀塘壩人咸豐丁巳年一百歲五世
同堂八十餘人業惟織履善則施茶溫然而恭
秩然而敬有古遺風其子三人皆七十餘歲孫
皆五十餘歲州牧朱百谷請建坊
婁仕揚德里神衛壩人 恩貢生婁學麟之父也
性仁厚安耕讀業五世同堂年一百歲無疾而
終

劉品爵州治東街人廩生劉青藜之父進士劉福
田之祖也性仁厚精岐黃購賣藥材醫病不擇

續修正安州志

卷之八 耆民

三一

貧富無不盡心貧者藥不取值亦不索謝生平
活人無算倉場總督韓鼎縉賜以額曰商山宿
考年九十七終至今子孫榮盛人以爲厚德之
報

潘文橋德里三塊石人誠篤謹厚義方教子年九
十七終其孫潘代嗣花縣花培花榮曾孫榮繁
等俱食餼膠庠人以爲忠厚之報

張紹祿江里人坦白居心力行善事眼觀五世年
九十六終

張承鳳小里古塘人素性端方不少苟現年九十
六孫星燦中丁卯科平越州武舉厚德者固有
報也

龔永榮江里人性忠厚樂耕讀歷四世未嘗與人
爭訟現年九十三

楊應祥性耿介好施與嘗獨力修廟宇二雖竭貲
無悔現年九十三

嚴景述思里人三十喪偶不再娶年九十二歿

嚴景卓思里人三十餘喪偶不再娶年九十一歿

續修正安州志

卷之八 耆民

三三

駱俊德江里人性孝友早卒撫姪女如己出年九
十一歿

陳縑光卽拔貢陳于章之父也年九十一終

張珩德里水車人卽廩生張先行之大父也工
書好善濟人之急五世同堂年九十一無疾壽
終

吳延詩德里蕭家壩人現年九十六元配宋氏九
十一歲俱存

呂芳謨城東桃子壩人傳家忠厚生平不道人非

五世同堂年逾九十進士劉福田贈以額曰眼
觀五代

梁朝旭德里安順場人五世同堂九十歲歿

熊萬里江里人重立品精岐黃生平活人無算現
年九十排難解紛遠近皆仰其直

徐華周小里人好佛茹素年八十餘猶日抄勸世
文教人爲善至九十歲無病而終

張長綸小里湄江人幼娶冉氏生子一未三十而
冉氏亡父子相依遂不再娶現年九十其子亦

續修正安州志

卷之八 耆民

三三

六十餘孫曾繞膝猶康強健飯把釣江邊嬉遊
自適

陳萬春偕妻鄭氏家富好善五世同堂夫婦年俱
九十而持家健飯無殊壯歲

王文貴德里安順場人現年九十其子王學禮年
已七十也五世同堂

冉在隆年九十原配李氏八十五歲五世同居
蹇仕優年八十九歲

王思忠原配舒氏夫婦皆八十九歲

唐子仁年八十九歲歿

陳景福小里人八十八歲

幸大國小里人八十八歲

張忠科好善樂施至老不倦現年八十七歲五世

一堂尙健飯燈下看書子八孫十二曾孫十四

元孫二

鄭 許年八十七歲

王思潼年八十六歲

陳維新住州城西街性方正三十失偶不再娶鰥

續修正安州志

卷之八 耆民

三四

居五十六年壽八十六歲

呂芳連年八十有六歿

楊萬金城南杉樹灣人性孝友勤儉忍讓貢生德

明其孫也嘗謂孫曰爾等讀書明理總須學些

厚道年八十六至生日終

韓永仁小里濫泥壩人現年八十六弟四人次永

義八十四歲次永禮七十一歲次永智咸豐八

年歿于王事季永信六十七歲皆事兄若父兄

弟怡怡里黨賢之

周德先住州西街邑庠周人傑之父也傳家忠厚
八十六終人傑亦公正廉平庠序景仰七十五
終

鄒衍慶小里人居心仁厚里黨咸沾其惠五世同
堂年八十六終

向文舉江里人現年八十六五世同堂

趙方相德里刀塘壩人生平勸人爲善鄰里小忿
必苦口勸和五世同堂享年八十五妻鄭氏壽
八十七夫婦相繼歿

續修正安州志

卷之八 耆民

三五

程昌伯小里人八十五歲

周天理吏員八十五歲

周天珍理弟八十五歲

張裕元小里人習木匠積錢百串卽以爲橋塘河
建橋始貲後又積貲補修高寺廟宇並置田土
作香火貲現年八十五

嚴大澤字天水思七甲楊柳壩人好客樂施尊師
重士兄大詩早亡遺孤女撫如己出豐其奩而
遣之鄉里每稱其厚德繼妻汪氏夫婦皆享年

八十五歿道光七年州牧柏中燧贈八十壽匾
曰德壽兼隆

嚴文俊思里柏楊壩人四十喪偶不再娶男女各
一現年八十有五猶訓蒙於家目力如童子望
之若四五十許人

雷先科現年八十四歲

陳燦章性忠厚現年八十四歲

周德裕州西城人年逾八十猶能作小楷書歿年
八十四勤紀載工繪事正安里甲無不周覽趙

續修正安州志

卷之八 耆民

三六

志輿圖出其手

鄭文進德里人現年八十四歲

鄭元斌邑武生現年八十四精力壯健猶與其孫
耀廷較射來歲則重遊泮水也

雷先虎現年八十三歲

吳漢道現年八十三歲

陳維德州東城人妻廖氏夫婦俱八十三歲歿

嚴文孝思里楊柳壩人一生勤儉現年八十二歲
徐振謙江西人貿易至州受廛爲氓常施藥愈人

病年八十一歿

鄧芳代小里人邑庠鄧中立之父也厚重能讓家貧好學現年八十一歲

嚴景年思里通達窩人勤儉起家鄰有小忿與人說和現年八十歲

雷登杰年七十九歲

萬太安性坦直務本力農妻李氏夫婦俱七十八歿

李公欽州城北人善辭說常與人解紛年七十六

續修正安州志

卷之八 耆民

三七

歿

鄭太爵州城西人子永昌幼年遊泮年七十五歿
李祖唐州城西人年七十五歿

王正榜州西城人性和平二十八失偶鰥居四十年七十五歿

王正綱 榜弟 現年七十三歲

鄒裘經江右人以貿易來州卜居舊城潯水園存心忠厚以慈讓傳家妻熊氏夫婦俱八十二歲

歿

孫有官住小四甲以石匠起家五世同堂年九十
七沒

帥先璽現年八十五歲

吳金貴小八甲丁家壩人疾惡如仇扞衛地方年
八十四沒

吳金榜卽金貴之弟千總銜吳國樑之大父也家
富好客四十而鰥不再娶五世同堂八十四歲
沒

吳金玉卽金貴金榜之弟性方正言行不苟妻余

續修正安州志

卷之八 耆民

三八

氏皆享年八十四沒

張志龍思里七甲人剛直好善凡脩橋補路之事
無不勉力成之年八十歲歿

壽婦

杜文觀妻蔡氏同治十二年壽一百歲終子二俱
八十餘歲

王 瑛妻張氏邑庠文星之母九十五歲終

陳 璠妻顏氏九十四歲歿

楊茂玉妻蹇氏九十三歲終

張元恂妻李氏無出庠生元綽之子善述胞姪也
血抱爲嗣送讀成名遊泮起增始將家政付之
九十一歲終

鄭 遐妻趙氏淑靜幽閑年二十歸鄭勤儉好施
閭里賢之夫先歿數年氏眼觀五代壽八十九
終子三長萬春次河清孫國楨曾孫芝蘭俱列
武庠號匪之亂合門無一罹者非厚德無以致
此

周德山妻陳氏性淑惠年八十九沒子金榮年亦

續修正安州志

卷之八

壽婦

三九

七十九歲

李祥彥之妻王氏和平勤儉子喪夫亡澹泊自甘
教育曾孫李瓊英遊泮年八十八歿

楊秀發之妻曾氏性慈惠好善樂施年八十九無
疾而終孫二長澍邑文生次昌才卽補千總人
以爲厚德之報

楊思玉妻稅氏庠生茂才監生茂椿之母年八十
六終

馮思奎妻張氏溫厚節儉五世同堂現年八十六

王能祥妻秦氏性謹嚴孝親敬夫家貧早寡歷經
挫折不渝其志卒致家業恢復現年八十六歲
鄭光清妻賈氏文生鄭魁廷之繼母廩生揚廷之
生母也生於名門夙嫻閨訓撫前子如己出教
之讀使成名魁廷亦忘其爲繼母也魁廷素仗
義負債多金恐累二弟欲求分析氏不許無何
而魁廷卒氏悲哀不已命二子與兄善撫孤女
又令變產償兄債甘淡泊無怨言至逆匪四起
氏又命二子集團以捍地方且曰地方多事正

爾等出力之時不然地方何貴有士子也於戲
氏其能知大義者矣迄今年已八十有八而孫
曾繞膝猶時時不忘規戒云

官貴榮妻鍾氏年八十有五歿

張長榮妻徐氏卽耆民忠科之母八十五終

官貴賢妻易氏八十四歲歿

嚴文瑤妻冷氏思七甲和睦嶺人家貧無子有二

孫現年八十四歲

袁信坤妻雷氏住思五甲下馬坎少寡撫四子成

立年八十三歿

孟言仲妻陽氏住江七甲新洲塲節壽兼全樂善好施六品職銜孟易周之祖母也八十一歲終雷國遠妻李氏年三十四而寡生子震聲甫週歲氏慇懃撫字矢志靡他教匪之亂氏令震聲捐金助餉後因克賊有功保舉經歷守節四十餘年壽逾八十食健神強髮未白實屬節壽兼全命婦曾達氏自幼女時侍父母以孝稱綺歲適邑監生曾永元奉翁姑尤謹篤夫家貧氏井臼操

續修正安州志

卷之八

壽婦

四一

勞布荆勤儉不數年而富甲一州凡脩橋砌路拯難濟貧諸善事夫所樂爲者氏靡不力助年三十而寡氏上繼夫志下撫諸孤苦節貞操逋今四十餘年未嘗稍易現近八旬精神猶健子六人皆顯仕孫八人遊庠者四氏以子貴受誥命亦可謂助夫創業教子成名者也

鄭仕體妻趙氏遐第三子女也年二十七夫歿守柏舟節事姑孝教子有方持家待人能上承姑意年逾八十康健異常節壽兼全良不數觀子

二長文述次文善俱公正能護地方孫曾數十人長者名列膠庠餘皆積學有成門庭雍睦遐邇傳爲美談

李大楨妻蘇氏年七十七夫亡子夭就壻奉養現存

楊毓敏妻鍾氏年七十七精神猶健

仙釋

李珏未詳何許人字雙玉修黃老金丹之術時久旱先期有夢其至者及至求珏禱雨卽應後

續修正安州志

卷之八

仙釋

四二

至正安州玉虛菴以其術授道人張紫霞羽化去後紫霞猶見之於青城山云

孤舟不知何許人萬歷初至正安蟠溪寺面壁數年一日謂本寺住持曰明日余逝矣寺外二樹將折一樹有聲卽長老一樹無聲卽余也次日二樹果折示偈曰勘破無無世界了然何物心頭自性已歸圓寂清風明月自由端坐而逝錫牌不知何許人自金陵來常掛一牌號錫牌和尚萬歷九年至正安胥覺寺不言不卧一日

別眾僧曰去矣幸置我石巖中數十年後又當再會越數日視之神色如生眾僧依其言置石

巖中 舊志

了印戒僧也姓鍾行五思里韓家溝人少削髮於婺川鵝池寺既而諸兄皆亡母老憊僧負鉢還家養親凡有病者請之誦經無不全愈所得經貲市甘旨製衣履以進而已則破衲赤足快然也母年八十病亡僧哭誦高王經求母活果復蘇至九十餘將死謂僧曰老人以死爲安我

續修正安州志

卷之八

仙釋

四三

死爾再禱祈卽爲不孝僧泣聽命葬之以禮掛錫舊城真武觀年九十面如澹金色人皆知爲有道者後無疾而終

海官思里後興寺僧也無他竒惟素食破衣不謀錢穀戒規自守年一百一十而終

流寓

唐李白字太白蜀人因永王璘事流夜郎今正

安州之南貫珠溪上有懷白堂昔人建此以懷太白也

元 鄒公敢江津人博學知天文元末與趙天澤劉伯溫友善每觀天象三人共長嘆及伯溫佐命公敢南歸後易名公瑾居真州號保全居士晚號知命翁有保全知命二集

土司

按宋史稱瀘州西南徼外古羗夷之地漢以來王侯國以百數夜郎最大在漢屬牂牁郡今涪州之西溱播珍等州是也明洪武四年蠻夷總管鄭瑚等相率來歸詔賜衣幣以瑚爲珍州長

續修正安州志

卷之八

流寓

四四

官司長官世襲至

國朝兵定檔冊無稽省志不載今以袁治舊記附於篇誌土官

唐

冉安昌 招慰使昌以婺川當牂牁要路請置郡以撫之其後思夷等州土地之闢夷民之附自斯舉始

宋

冉桂森 從父冉守忠征南獠平諸洞淳熙四年授爲珍州軍民宣慰使詔子孫襲撫斯土

冉教源

桂森長子襲職

元

冉仁鑑

教源子襲職

冉廷秀

仁鑑子襲職

明

冉瑚

廷秀子洪武初詔改真州正長官

司

冉伯淵

瑚子承襲一年奏請讓官於堂兄

伯剛

朝廷嘉其義授淵為義官剛襲舊職

時真州未立學校淵遣使至夔延

續修正安州志

卷之八

土司

四五

師興文教萬歷十八年設學淵孫

冉似桂以崇正拔貢任貴定縣知

縣

冉伯剛

伯淵堂兄承襲正長官司

冉晟

伯剛子萬歷二十七年大兵平播

川督李化龍疏請設流改真州正

長官司冉晟為本州土州同替襲

按冉氏族譜明萬歷二十七年楊應龍肆逆督

帥李化龍八路進兵冉晟率先歸附與副長官

等各率千人從軍云云今考平播事蹟總兵馬
孔英從南川入以參將周國柱宣撫冉馭龍等
隸僉事徐仲佳監之又大兵未至重慶時推官
高折枝監紀軍事督酉陽宣撫冉馭龍敗賊於
官壩及孔英至珍州用土官鄭葵路麟爲鄉導
逼桑木關關內民降者日千計云云紀中祇書
冉馭龍不載冉晟名姓又攷李化龍善後疏中
祇稱合將眞州長官卽爲該州土同知副長官
卽爲土判官亦未疏明冉晟改授省志之廢土

續修正安州志

卷之八 土司

四六

司條下又無遵義府所屬名目書以俟考

鄭 瑚 眞州長官司洪武初從征南將軍

傅友德破僞夏擒其將江中立有

功績入覲賜印綬

鄭從仁 明洪武三十一年襲職

鄭 釗 永樂八年襲職

鄭永忠 宣德八年襲職

鄭 璽 正統七年襲職從征有功

鄭 旭 成化四年襲職

鄭 鋈

正德三年襲職

鄭廷珪

嘉靖十年襲職從征綦江南川二縣大盜有功

鄭

嘉靖十四年襲職從征葷子坪苗

賊屢調征叙州夷首平白蓮教有

功績額獎賞

鄭紹爵

萬歷二年襲職

鄭 葵

萬歷十四年襲職從征馬湖叛寇有功後因脇附楊應龍查勘改設

續修正安州志

卷之八 土司

四七

流官納土獻印降爲土州同替襲

義僕

明

鄭 規長官司鄭廷珪僕人嘉慶間賊因土司

規語其主珪曰主上乏嗣若懼于賊鋒如世系

何願以身代遂著珪衣冠誑賊殺之珪間道逃

免